


concedenda. Prophetia dono
 præditus futuras Rhatia cala-
 mitates, sui que necem ab Hæ-
 reticis inferendam sæpius præ-
 dixit. Post quam verò insidia-
 rum probe conscius impenden-
 ti agoni se præparasset, die
 Xigesima quarta Aprilis anni
 millesimi sexcentissimi vige-
 simi secundi ad Ecclesiam loci,
 Sevisium nuncupati, se
 contulit, ubi ab Hæreticis, qui
 pridie conversionem simulantes,
 eum dolose ad prædicandum
 invitaverant, concione
 tumultuariè interrupta, per
 verbera, ac vulnera eidem crudeliter
 inflicta gloriosam mortem
 magno, & alacri corde
 perpassus, primitias Martyrum
 memoratæ Congregationis proprio
 sanguine consecravit; pluribus
 signis, & miraculis inde clarus
 præsertim Curia, & Veldbirchii,
 ubi summa populi
 veneratione illius Reliquia
 asservantur.

*In tertio Nocturno Homilia
 Sancti Augustini Episcopi, in
 Evangelium: Ego sum vitis
 vera, & Pater meus. De Comuni
 Martyrum tempore Paschal.
 primo loco.*

*Missa: Protexisti, de Comuni
 unius Martyr. tempore
 Paschal.*



FESTA MAIL.

DIE V. MAIL.

*In Fests Conversionis S. Augustini
 Episcopi Confessoris,
 & Doctoris.*

Duplex.

*Omnia de Comuni Confessoris
 Pontificis, præter ea, quæ
 sequuntur.*

*In Hymno ad Vesperas, &
 Matutinum: Hac die lætus colitur
 renatus Flumine sacro.*

AD MAGNIFICAT. Añ.

VXultemus in Deo salutari
 nostro, quia respexit ad
 preces, & lacrimas ancilla suæ
 Monica super desiderium ejus.
 Ecce Augustinus omnipotenti
 brachio ad veritatem conversus
 est, & magnus Ecclesiæ
 Doctor evasit.

ORATIO.

DEUS, qui hodiernam diem
 Beati Augustini Confessoris
 tui, atque Pontificis mirabili
 conversione decorasti; præsta
 quæsumus, ut sicut
 Ecclesiam tuam propulsis erroribus
 protegisti, ita corda nostra
 precibus suis contra malignos
 spiritus tua gratia irigante
 defendat. Per Domini-
 num.

IN I. NOCTURNO.

LECTIO I.

De Epistola Beati Pauli Apostoli
 ad Romanos.

Cap. 7. v. 14.

SCimus enim, quia lex spiritalis
 est. Ego autem carnalis sum,
 venundatus sub peccato. Quod enim
 operor, non intelligo: non enim quod
 volo bonum, hoc ago; sed quod
 odi malum, illud facio: Si autem
 quod nolo, illud facio: consentio
 legi, quoniam bona est. Scio enim,
 quia non habitat in me, hoc est in
 carne mea bonum. Nam velle ad-
 jacet mihi. Perficere autem bonum,
 non invenio. Non enim, quod volo
 bonum, hoc facio: sed quod nolo
 malum, hoc ago. Si autem quod nolo,
 illud facio, jam non ego operor
 illud; sed quod habitat in me,
 peccatum. Invenio igitur legem,
 volenti mihi facere bonum,
 quoniam mihi malum adjacet.

y. Euge serve bone & fidelis,
 quia in pauca fuisti fidelis,
 supra multa te constituam: *
 Intra in gaudium Domini tui.

y. Domine quinque talenta
 tradidisti mihi, ecce alia quinque
 super lucrata sum. Intra
 in gaudium.

LECTIO II.

Condelector enim legi Dei
 secundum interiorem hominem.
 Video autem aliam legem in
 membris meis, repugnantem
 legi mentis meæ, & captivantem
 me in lege peccati, quæ est in
 membris meis. Infelix ego homo,
 quis me liberabit de corpore mortis
 huius? Gratia Dei per Jesum
 Christum Dominum nostrum.
 Igitur ego ipse mente servio
 legi Dei; carne autem legi
 peccati. Nihil ergo nunc damnationis
 est iis, qui sunt in Christo
 Jesu: qui non secundum carnem
 ambulant, sed secundum spiritum.
 Qui enim secundum carnem sunt,
 quæ carnis sunt, sapiunt. Qui
 verò secundum spiritum sunt, quæ
 sunt spiritus, sentiunt. Quæ
 autem in carne sunt, Deo place-
 re non possunt.

y. Ecce Sacerdos magnus,
 qui in diebus suis placuit Deo:
 * Ideò iurejurando fecit illum
 Dominus crescere in plebem
 suam.

y. Benedictionem omnium
 Gentium dedit illi, & testamentum
 suum confirmavit super caput
 ejus. Ideò iurejurando.

LECTIO III. Cap. 13. §. 11.

ET hoc scientes tempus; quia hora est jam nos de somno surgere. Nunc enim proprior est nostra salus, quam cum credidimus. Nox præcessit, dies autem appropinquavit. Abjiciamus ergo opera tenebrarum, & induamur arma lucis. Sicut in die honestè ambulemus: non in comessationibus, & ebrietatibus, non in cubilibus, & impudiciis, non in contentione, & emulatione; sed induimini Dominum Jesum Christum, & carnis curam non feceritis in desideris.

R. Juravit Dominus, & non poenitebit eum: * Tu es Sacerdos in æternum secundum ordinem Melchisedech.

Y. Dixit Dominus Domino meo, sede à dextris meis: Tu es Sacerdos. Gloria Patri. Tu es Sacerdos.

IN II. NOCTURNO.

LECTIO IV.

Augustinus unde vigesimum annum agens, spreta, ut ipse ait, Religione, quæ sibi puero à parentibus insita erat, ad Manichæos defecit, fisdemque novem annos adhæsit. Sed à Carthagine, ubi Rhetoricam profitebatur, illicitis amoribus irretitus est, ac

Genethliacorum deliramenta aliquandù secutus. Auditorum Carthaginensium immodestia offensus, auditò Romæ adolescentis sedatius litteris operam dare, matre decepta, conscensò clam navigio, illuc contendit: ubi correptus aegritudine in vitæ discrimen incidit. Sed piæ matris precibus servatus est, ejus discessum, erroresque inconsolabiliter desentis confirmata valetudine, eloquentiæ scholam aperuit, ac fermè per annum Romæ docuit. Postea à Symmacho Urbis præfectò, Rhetoricam ipsam publicè professurus, missus est Mediolanum, ubi Sanctum Ambrosium disputantem in populo studiosè audiens, perspecta Manetis insania; nondum tamen rectè sentiens, Academicorum more de omnibus dabitans, atque inter Manichæos relinquere decrevit; ac tam diu esse Cathæcumenus, donec aliquid sibi certi elucèret, quò cursum intenderet.

R. Inveni David servum meum, oleo sancto meo unxi eum: * Manus enim mea auxiliabitur ei. **Y.** Nihil proficiet inimicus in eo, & filius iniquitatis non nocebit ei. Manus

Lec.

LECTIO V.

CUM autem Ambrosii conaciones frequentaret, & sacras litteras, præsertim Divum Paulum, avidissimè legeret; ad catholicam fidem seriò animum adjecit: quem valdè jam incensum, magis impulsi Sancti Simpliciani: cui æstus animi sui contulerat, gravis adhortatio. Nam is Marii Victorini, celebris quondam in Urbe Rethoris, ei exemplum proposuit; quem in senecta, mirante Roma, gaudente Ecclesia, Christo nomen dedisse memorabat. Susceptum consilium morabantur desiderium conjugii, & sæculi blandimenta. Sed Potitiano narrante de Antonii mirabili sanctimonia, atque de illius sectatoribus in eremo austiorem vitam colentibus: abeunte illo, tenere se non potuit, quin ad Aliplum conversus, exclamaret: Quid est hoc, inquit, surgunt indocti, & cælum rapiunt; & nos cum doctrinis nostris sine corde, ecce ubi voluntamur in carne, & sanguine. Mox adjectum ædibus, hortulum ingressus, sub sicu stratus, cum veterum voluptatum memoria animum pertentaret, vocem audivit, quasi pueri, vel puellæ,

canentis: Folle, lege, tolle, lege. Posui adjutorium super potentem, & exaltavi electum de plebe mea: * Manus enim mea auxiliabitur ei. Inveni David servum meum oleo Sancto meo unxi eum. Manus enim.

LECTIO VI.

Quod ille divinitus sibi dictum interpretans, concitatus surgens, sacrarum litterarum codicem in proximo aperiens, in ea Apostoli verba incidit: Non in comessationibus, & ebrietatibus, non in cubilibus, & impudiciis, non in contentione, & emulatione; sed induimini Dominum Jesum Christum. Tunc verò, quasi infusa ejus cordi securitatis luce, omnes ab eo hesitationis tenebræ discussæ sunt. Itaque abjecta omni rerum humanarum cura, non modò baptismum suscipere, sed etiam Deo additum servire constituit. Igitur abdicato docendi munere, unà cum matre, quæ ex Africa ad eum venerat, atque amicis rus concedens, sacris precibus, & jejuniis vacans, monastica vite, quam post amplexus est, rudimenta ponere visus est. Sed ubi tempus

pus

pup advenit, quo sacro lavacro nomen dare oportebat, Mediolanum rediit, ipsisque paschalis diebus, incredibili bonorum lætitiâ, unâ cum filio Adeato, atque Alipio familiaribus, multisque aliis, lustralibus lymphis à Beato Ambrosio expiatus est, annos natus triginta tres. Tunc verò Ambrosius, ut scribit Sanctus Dacius, ob tanti viri conversionem, Deo gratias acturus, Te Deum laudamus, præcinit, Augustino vicissim respondente: Te Dominum confitemur. Atque ita sacer ille hymnus, quo assidue ecclesiastica templa resonant à viris sanctissimis, alternis ad finem usque contextus est.

¶ Iste est, qui antè Deum magnas virtutes operatus est, & omnis terra doctrina ejus repleta est: * Ipse intercedat pro peccatis omnium populorum.

¶ Iste est qui contempsit vitam mundi, & pervenit ad cœlestia regna. Ipse intercedat. Gloria Patri. Ipse intercedat.

IN III. NOCTURNO.

Lectio Sancti Evangelii secundum Matthæum. Cap. 19. d.

LECTIO VII.

¶ N illo tempore: Dixit Simon Petrus ad Jesum: Ecce nos

reliquimus omnia, & secuti sumus te: quid ergo erit nobis? Et reliqua.

Homilia Sancti Joannis Chrysostomi.

Homilia 65. in Matth. init.

¶ Uenam sunt hæc omnia, quæ te dicis, Beatissime Petre, reliquisse? Arundinem, retia, naviculam, universumque piscatorum artificium, hæc tu omnia vocas? Ita, inquit, sed non ambitione quadam, aut inani gloria: verum, ut pauperum plebem hac interrogatione introducam; nam quoniam à Domino dictum est: Si vis perfectus esse, vende, quæ habes, & da pauperibus, & habebis thesaurum in cœlo. Ne quis pauperum opinetur, non posse ad perfectionem se pervenire, cum non habeat, quæ pauperibus offerat, querit Petrus, ut tu discas nihil te minus propter inopiam habiturum.

¶ Amavit eum Dominus, & ornavit eum: stolam gloriæ induit eum: * Et ad portas Paradisi coronavit eum.

¶ Induit eum Dominus lorricam fidei, & ornavit eum. Et ad portas Paradisi coronavit eum.

LECTIO VIII.

¶ Uarrit, inquam, Petrus, nisi id à se perciperes, præsertim cum adhuc spiritus gratia non abundaret, ambiguitate perplexus jaceres, sed ut ab ipso ejus Magistro pro lata sententia firma spe roboreris. Nam quem admodum etiam nos pro aliis disputamus, sic Apostolus quoque ad universi orbis commodum non dubitavit interrogare. A superioribus enim pater, nihil de se ipso ambiguisse. Qui enim ipsorum cœlorum claves suscepit, quantum magis de cæteris, quæ in cœlo sunt, confideret?

¶ In medio Ecclesiæ aperuit os ejus: * Et implevit eum Dominus spiritu sapientiæ, & intellectus.

¶ Jucunditatem, & exultationem thesaurizavit super eum. Et implevit.

LECTIO IX.

¶ U autem illud diligenter expendi, quam exquisitè duo illa, quæ Christus à divite petiit, ut scilicet, pauperibus substantiam distribueret suam, & Christum sequeretur, breviter complexus est, dicens: Relinquimus omnia, & secuti sumus te. Ambo enim

hæc facta jam erant; nam sua reliquerunt, ut ipsam sequerentur, & eo quod omnia reliquerunt, sequi facilius poterunt: & quoniam reliquerunt, confidere, atque gaudere ipsos admonebat. Quid igitur Christus respondet? Amen dico vobis, quia vos, qui secuti estis me, in regeneratione, cum sederit filius hominis in sede majestatis suæ, sedebitis & vos super sedes duodecim, judicantes duodecim tribus Israël.

Te Deum laudamus.

AD BENEDICTUS.

¶ Añã. Per viscera misericordiæ suæ visitavit Dominus Augustinum, ut qui prius se debat in tenebris, & umbra mortis, postea illuminaret orbem. Alleluia.

Oratio ut in Vesperis.

AD MAGNIFICAT

¶ in secundis Vesperis Añã. Fecit Dominus in conversione Augustini populo suo ingentem lætitiã, hostibus supergentem terrorem, & cunctis fidelibus tutamen, recordatus misericordiæ suæ. Alleluia.

Missã propria cum Credo.

DIE XIII. MAII.

In Fes̃to S. Secundi Episcopi, & Martyris.

Duplex.

Omnia dicuntur de Communi Martyris Pontificis tempore Paschali, præter sequentia.

ORATIO.

Infirmitatem nostram respice, omnipotens Deus, & quia pondus propriæ actionis gravat, Beati Secundi Martyris tui, atque Pontificis intercessio gloriosa nos protegat. Per Dominum.

Ad Matutinum omnia de Communi Martyris Pontificis, tempore Paschali.

Lectiones primi Nocturni de Actibus Apostolorum: A Mileto Paulus, ut in Communi Martyr. extrâ tempus Paschale.

IN II. NOCTURNO.

LECTIO IV.

Secundus, Torquatus, Cresiphon, Indaletius, Cæcilius, Hasichius, & Euphrasius integerrimæ vitæ socii ab Apostolis Petro, & Paulo creati Episcopi ad prædicandum Christi Evangelium in Hispaniam mittuntur. Qui prosperam (favente Deo) navigationem tenentes Accin Bethicæ Turdetanæ urbem, Gaudix, nunc vulgò nominatam appulerunt, cumque ipsorum aliqui fessi ex itinere propè ur-

bis Moenia quiescerent, alii urbem ad emendum cibum ingressi sunt. Sed eos multitudo infidelium, qui in festum diem suorum Deorum agebant, extrâ urbem eiecit, factoque impetu ad fluvium usque persecuta est, in fluvio pons erat miræ magnitudinis, & firmitatis, qui tunc Dei nutu cum infidelium multitudine, à qua occupatus est, corruit.

¶ Lux perpetua lucebit sanctis tuis Domine, * Et æternitas temporum. Alleluia.

¶ Lætitia sempiterna erit super capita eorum: gaudium & exultationem obtinebunt. Et æternitas.

LECTIO V.

QUO miraculo cæteri perterriti respuentes idola in Christum crediderunt imitati Lupariam quandam senatricem magnæ auctoritatis mulierem, quæ divino instinctu sanctos Dei benignè excepit, & in Christum credidit, & Ædiculam extruxit, quam Salvatori dedicavit. Post quæ Torquatus Accis præfecto, reliqui diversis ejus Provinciæ civitatibus evangelizarunt, in quibus Secundus, qui Abulam civitatem docendam suscepit, multos vitæ exemplo, & præ-

di-

dicatione per Evangelium Deo genuit. Tandem post multos præ Christo toleratos labores moriens suo sanguine Abulensem Ecclesiam Deo vero consecravit.

¶ In servis suis, alleluia, * Consolabitur Deus. Alleluia. ¶ Judicavit Dominus populum suum, & in servis suis. Consolabitur.

LECTIO VI.

CUM verò ejus corpus omnibus ignotum diù jaccisset, anno millesimo quingentesimo decimo nono, divinitus inventum est. Nam cæmentarii dum labentem templi parietem demolirentur, sub ejus fundamento lapideam arcam invenerunt inscriptam his verbis: Sanctus Secundus, è qua tanta odorum suavitas emanabat, ut templum, & vicina loca perfunderet. Contigit quoque in sancti corporis testimonium, ut unus ex cæmentariis, hernia morbo insanabili laborans, ad aspectum sancti corporis convalesceret. Quarum rerum precrebrescentem fama innumeri homines ad visendum Sancti Secundi corpus venerunt, ac plerique variis morbis laborantes, Sancti Secundi meritis sanati sunt.

M 2

Hujus Sancti Episcopi, & Martyris Reliquiæ multis illustratæ miraculis, in antiquissimo templo, quod in Abulæ Suburbio extractum est, per longa tempora asservatæ sunt. Hinc in primarium urbis templum translatae sunt, & in Sacello ipsi Sancto dicato recondita, ubi frequenti, & incredibili totius populi devotione coluntur.

¶ Filia Jerusalem, venite & videte Martyres cum coronis, quibus coronavit eos Dominus, * In die solemnitatis & lætitiæ. Alleluia.

¶ Quoniam confortavit seras portarum tuarum, benedixit filios tuos in te. In die solemnitatis. Gloria Patri. In die solemnitatis.

Lectiones tertii Nocturni Homilia S. Augustini Episcopi in Evangelium: Ego sum vitis vera, & pater meus agricola est; de Communi Martyr. tempore Paschal. primo loco.

DIE XV. MAIL.

Vel alia die non impedita. In Festo S. Euphrasii Episcopi, & Martyris.

Diocesis Giennensis Patroni. Pro omnibus Hispaniæ Diocæbus.

Duplex minus.

ris

Omnia de Communi Martyris temp. Paschal. Lect. primi Nocturni de Scriptura occurrente. Oratio: Infirmi tatem, &c.

In Diocesi Giemensi dup. prim. clas. cum Ollav.

Omnia de Communi Martyr. tempore Paschali cum eadem Oratione.

Extra temp. Paschale Lektion. primi Nocturni A Mileto Paulus, ut in Communi un. Martyris.

IN II. NOCTURNO.

LECTIO IV.

Ex Scripturis S. Gregorii VII. & S. Eulogii in Apologetico Martyrum.

Euphrasius Apostolorum Discipulus, cum Torquato, Ctesiphonte, Secundo, Indaletio, Caelio, & Hesychio, Romæ à sanctissimo Petro, & Paulo Episcopus ordinatus in Hispanias, ad prædicandum verbum Dei, unâ cum aliis ab iisdem Apostolis directus est. Hic ergo, & Socii, cum varis Urbibus, destructa Idolatria, Christianitatem fundassent, & Religionem plantassent ordinem, & Officium in Divinis Cultibus ostendissent, & sanguine suo Ecclesias dedicassent: ea in Provincia diversis in locis quieverunt, è quibus

Euphrasius Illiturgi Martyrii palmam consecutus esse dicitur. Ejus corpus piè reconditur. Ejus nomine Sisebuti Hispaniarum Regis tempore structa est, cujus Basilicæ, cum Sarracenis Hispanias occupantibus, nulla remansissent vestigia; Dei tandem voluntate factum est: ut recens anno Domini millesimo quingentesimo septuagesimo tertio extrui capta sit. In quam anno millesimo quingentesimo nonagesimo septimo, mense Maio. Beati corporis pars, è Parochiali Ecclesia Oppidi, cui Valdeamo nomen. translata, restituta est. Ubi religiosa veneratione, summaque celebritate, & maximo populorum concursu colitur.

☩. Lux perpetua lucebit sanctis tui Domine, * Et æternitas temporum. Alleluia, allel.

☩. Lætitia sempiterna erit super capita eorum: gaudium & exultationem obtinebunt. Et æternitas.

LECTIO V.

Sermo S. Joannis Chrysostomi. In Orat. de Sancto Ignatio, ante med. Tom. 5.

☩. Empus animadvertire, fratres, quo dignitatem hanc Be-

Be-

LECTIO VI.

NEque verò id solum erat grave, sed etiam quod credentium plerique, utpotè, tunc primum nova dogmata degustantes, magna agebant sollicitudine; & erant imbecilliores, & sepè supplantabatur. Quod quidem non minus affligebat Doctores, quam externa bella. Quin etiam multò magis. Externæ enim pugnæ, atque insidiæ, propter repositæ mercedis spem, voluptatè etiam aliquam afferebant. Idcirco, & Apostoli gaudentes, à conspectu concilii discederent; quod verbera pertulissent. Itaque Paulus etiam clamat: Gaudeo, inquit, in infirmitatibus meis. Et semper in tribulationibus gloriatur.

☩. Filie Jerusalem venite, & videte Martyres cum coronis, quibus coronavit eos Dominus. * In die solemnitatis, & lætitiæ. Alleluia.

☩. Quoniam confortavit seras portarum tuarum, benedixit filios tuos in te. In die solemnitatis. Gloria Patri. In die solemnitatis.

IN III. NOCTURNO.

Tempore Paschali Homilia Sancti Augustini Episcopi in Evangel. Ego sum Vitis vera.

Mis-

Beatus Euphrasius est assecutus, neque enim eadem est nunc, quæ tunc erat Ecclesiam gubernandi conditio. Non æqualis est labor. Viam tritam, & planè paratam, post multos ingredi viatores; atque eam, quæ nunc primo secunda est, quæque prærupta, & saxosa, ferisque plena, nec ullum adhuc viatorem, admittit. Hoc quidem tempore per gratiam Dei, nullum Episcopis periculum imminet; sed pax undique profunda: & tranquillitate cuncti perfuimur. Cum pietatis verbum, orbis terrarum terminos occuparit, & qui regna, atque imperium obtinent, eandem quam nos fidem studiosè colant, atque observent, tunc autem nihil erat hujusmodi, sed quocumque quis oculos verteret, ubique præcipia, barathra, & bella, & pugnas, & pericula. Imperatores, & Reges, & Populi, & Civitates, & gentes, & domesticæ, & alieni credentibus insidias tendebant.

☩. In servis suis, Alleluia: * Consolabitur Deus, Alleluia. ☩. Judicavit Dominus populum suum, & in servis suis. Consolabitur Deus, Alleluia.

Missa: Protexisti.

Extrâ tempus Paschal. Officium de Communi unius Martyris Homilia, & Missa de primo loco.

DIE XVI. MAII.

In Fêsto S. Joannis Nepomuceni Martyris.

Duplex.

Omnia de Communi unius Martyris tempore Paschali.

ORATIO.

DEUS, qui ob invictum Beati Joannis sacramentale silentium nova Ecclesiam tuam martyrii corona decorasti: da nobis ejus intercessione, & exemplo linguam cautè custodire, ac omnia potiùs mala, quàm animæ detrimentum, in hoc sæculo tolerare. Per Dominum nostrum.

Lectiones primi Nocturni de Scriptura occurrente.

IN II. NOCTURNO.

LECTIO IV.

Joannes Nepomúci Bohemix Oppido, unde Nepomuceni cognomen duxit, à parentibus ætate provectis, non sine futuræ sanctitatis præsigio, flammis suprâ nascentis domum intrabiliter collucens, ortus est. Cùm infans in gravem morbum incidisset, beate Virginis ope, cui natum

parentes referebant acceptum, è vitæ periculo evasit incolumis. Egregia indole, piaque institutione celestibus indicis obsequente, inter sanctas, religiosasque exercitationes pueritiam egit; nam Ecclesiam frequenter adire, ac sacerdotibus ad aras operantibus ministrare in deliciis habebat. Zatecii polioribus litteris ad humanitatem informatus; Prægræ verò gravioribus disciplinis excultus, Philosophiæ, Theologiæ, Sacrorumque Canonum magisterium, & lauream emeruit. Sacerdotio initiatus, atque à scientia Sanctorum ad lucra animarum ritè comparatus, ministerio verbi Dei se pènitus addixit. Cùm igitur in vitis extirpandis, & revocandis in viam salutis errantibus eloquentia, & pietate uberes ederet fructus, inter Canonicos Metropolitanæ Ecclesiæ Pragensis cooptatus, mox sibi demandatam Evangelii coram Rege Wenceslao Quarto, prædicandi Provinciam suscepit, eo successu, ut Joannis suasu multa Rex faceret, magnoque in honore ejus virtutes haberet. Conspicuas tamen, quas ille obtulit, dignitates, Dei servus, ne à divi-

ni

ni verbi præconio avocaretur, constantissimè recusavit.

Tempore Paschali.

✠. Lux perpetua.

Extrâ tempus Paschali.

✠. Honestum fecit.

LECTIO V.

REgis illum eleemosynis in pauperes erogandis præfectum Joanna Regina conscientia sibi moderatorem adscivit. Cùm autem Wenceslaus ab officio, institutoque decessisset, atque in vitia præceps abriperetur; piæ autem conjugis obstationes, & monita gravatè ferret, contendere ausus est, ut in sacramentali judicio Sacerdoti credita Regiæ arcana sibi à Joanne panderentur. At Dei Minister blanditiis primùm, tormentis deinde, & carceris squalore tentatus, nefariæ Regis cupiditati fortiter obstitit. Furentem tamen Wenceslai animum cum ab execrando proposito, nec humana, nec divina jura deterrerent, supremum agonem, quem instare sibi Athleta Christi noverat, populo in concione de impendentibus etiam regni calamitatibus admonito, non obscurè prænuntiavit. Mox Boleslaviam profectus, ad Beatæ Virginis ima-

ginem antiquo cultu celebrem, coeleste præsidium ad certandum bonum certamen effusus precibus imploravit. Indè vespere revertentem in pervigilio Dominicæ Ascensionis Rex è fenestra conspicuus accessit; cùmque vehementius urgeret, & proximam in aquis, si oblectari pergeret, submersionem intentaret, Joannes invicta constantia terrores, minasque refutavit. Itaque Regis imperio in Moldavium flumen Prægam interfluens noctu dejectus, illustrem martyrii coronam est consecutus.

Tempore Paschali.

✠. In servis suis.

Extrâ tempus Paschal.

✠. Desiderium animæ.

LECTIO VI.

Sacrilegum facinus clam patratum, & Martyris gloriam insigne prodigium divinitus patefecit. Ubi enim exanime corpus secundo flumine vehi coepit, ardentes faces aquis supernatantes, & discurrentes apparuerunt. Quamobrem ex arena postridiè mane Corpus elatum, Canonici deinde Regis iram nihil timentes, in Metropolitanam Ecclesiam solemnè pompa intulerunt, & sepulturæ mandarunt. Cùm autem

tem

tena in dies invidiæ Sacerdotis memoria miraculis, & maxima fidelium, eorum præcipue, qui fama periclitantur, veneratio-
ne cresceret, post annos de-
mum amplius trecentos, in ju-
ridica recognitione Corporis,
quod sub humo tandiù jacue-
rat, lingua ejus incorrupta, &
vivida reperta est; quæ sexto
post anno Judicibus à Sede
Apostolica delegatis exhibita,
novo prodigio repente intu-
muit, & sub obscurum rubo-
rem in purpureum commuta-
vit. His itaque, aliisque signis
ritè probatis, Benedictus Deci-
mus tertius Pontifex Maxi-
mus, die decima nona mensis
Martii, anno salutis millesimo
septingentesimo vigesimo no-
no, primum hunc Sacramenta-
lis Sigilli assertorem, arcani
fidem sanguine obsignantem
Sanctorum Martyrum Catalogo
adscripsit.

Tempore Paschal.

✠. Filix Jerusalem venite,
& videte Martyres.

Extra tempus Paschal.

✠. Stola jucunditatis induit
eum Dominus.

*In tertio Nocturno Nihil est
opertum. Miss. Protexisti, cum
Evang. ejusdem. Extra temp.
Paschal. Miss. Latabitur.*

SABATHO ANTE DOM.
tertiam post Pascha.

Festum Gaudiorum B. V. M.

Duplex secundæ clas.

AD VESPERAS.

Añã. Dum esset Rex; cum
reliquis de Laudibus.

Psalm. Dixit Dominus Do-
mino, ut in *Officio Parvo B.
M. V.*

Capitulum Eccles. 24. b.

AB initio, & ante sæcula
creata sum, & usque ad
futurum sæculum non desin-
nam, & in habitatione sancta
coram ipso ministravi.

Hymnus: Ave maris stella,
ut in *Officio Parvo B. M.*

✠. Dignare me, laudare te
Virgo sacra, Alleluia.

✠. Da mihi virtutem con-
tra hostes tuos. Alleluia.

AD MAGNIFICAT.

Añã. Regina coeli letare,
alleluia: quia quem meruisti
portare, alleluia: resurrexit, si-
cut dixit, alleluia. Ora pro no-
bis Deum, alleluia.

ORATIO.

Concede nos famulos tuos,
quæsumus Domine Deus,
perpetua mentis, & corpo-
ris sanitate gaudere: & glo-
riosa beatæ Mariæ semper Vir-
ginis intercessione à presen-
ti liberari tristitia, & æterna
per-

per-

perfrui lætitia. Per Dominum
nostrum.

AD MATUTINUM.

INVITATORIUM.

Sancta Maria Deigenitrix vir-
go. ✠. Intercede pro nobis. Alle-
luia. *Psalm.* Venite exulte-
mus, &c.

Hymn. Quem terra, &c.

Añã. *Psalmi, & Vers. Nocturnorum,* ut in *Officio Parvo
B. M. sub una Añã, cui ad-
ditur:* Alleluia.

IN I. NOCTURNO.

De Canticis Canticorum.

LECTIO I. Cap. 5.

Veniat dilectus meus in
hortum suum, & come-
dat fructum pomorum suorum.
Veni in hortum meum soror
mea sponsa, messui myrrham
meam cum aromatibus meis:
comedi favum cum melle
meo, bibi vinum meum cum
lacte meo: comedite amici, &
bibite, & inebriamini charis-
simi. Ego dormio, & cor
meum vigilat: Vox dilecti
mei pulsantis: aperi mihi so-
ror mea, amica mea, columba
mea, immaculata mea, quia
caput meum plenum est rore,
& cincinni mei guttis noc-
tium: Pessulum ostii mei ape-
rui dilecto meo: at ille decli-
naverat, atque transierat.

N

✠. Sancta, & immaculata
virginitas, quibus te laudibus
esseram, nescio: ✠. Quia quem
coeli capere non poterant, tuo
gremio contulisti. Alleluia.
✠. Benedicte tu in mulier-
bus, & benedictus fructus ven-
tris tui. Quia.

LECTIO II. Cap. 5. & 6.

QUO abiit dilectus tuus, ò
pulcherrima mulierum!
Quo declinavit dilectus
tuus, & quæremus eum tecum?
Dilectus meus descendit in
hortum suum ad areolam arô-
matum, ut pascatur in hortis &
lilia colligat. Ego dilectus meo,
& dilectus meus mihi, qui
pascitur inter lilia. Pulchra es
amica mea, suavis, & decora,
sicut Jerusalem: terribilis ut
castrorum acies ordinata. Averte
oculos tuos à me, quia ipsi
tui sicut grex caprarum; quæ
apparuerunt de Galaad. Den-
tes tui sicut grex ovium, quæ
ascenderunt de lavacro, omnes
gemellis foetibus; & sterillis
non est in eis.

✠. Congratulamini mihi
omnes, qui diligitis Domi-
num: quia cum essem parvula,
placui Altissimo: ✠. Et de meis
visceribus genui Deum, & Ho-
minem. Alleluia.

✠.

ŷ. Beatam me dicent omnes generationes: quia ancillam humilem respexit Deus. Et de meis.

LECTIO III. Cap. 8.

QVIS mihi det te fratrem meum? si gentem averta matris meæ, ut inveniam te foris, & deoscular te, & jam me nemo despiciat? Apprehendam te, & ducam in domum matris meæ: ibi me docebis, & dabo tibi poculum ex vino condito, & mustum malorum granatorum meorum. Lava ejus sub capite meo, & dextera illius amplexabitur me. Adjuro vos filia Jerusalem, ne suscitatis, neque exigilare faciatis dilectam, donec ipsa velit. Quæ est ista, quæ ascendit de deserto, delitit as fluvius, innixa super allecquæ suum? Sub arbore malo suscitavit te: ibi corrupta est mater tua, ibi violata est genitrix tua.

Beata es virgo Maria, quæ Dominum portasti Creatorem mundi, * Genuisti qui te fecit & in æternum permanes virgo. Alleluia.
Ave Maria gratia plena, Dominus tecum. Genuisti, Gloria Patri. Genuisti.

IN II. NOCTURNO.
Sermo S. Augustini Episcopi. In Assumpt. B. M. V. Serm. 2. qui est de SS. Sermo 53.

LECTIO IV. Cap. 8.

Quamur aliquid, fratres, in laudibus sacratissimæ Virginis. Sed qui nos tantilli? Quid actione pusilli? Quid in ejus laudibus referemus, cum & si omnium nostrum membra verterentur in linguas eam laudare sufficeret nullus? Altior caelo est de qua loquimur, abyssus profundior, cui laudes dicere conamur. Hæc est enim, quæ sola meruit Mater, & Sponsa vocari: hæc prima Matris damna resolvit: hæc homini perditio redemptionem adduxit. Mater enim generis nostri poenam intulit mundo; Genitrix Domini, nostri salutem edidit mundo. Auclrix peccati Heva, auclrix meriti Maria. Heva occidendo obfuit, Maria vivificando profuit: illa percussit, ista sanavit.
Sicut cedrus exaltata sum in Libano, & sicut cypressus in monte Sion: quasi mirra electa, * Dedi suavitatem odoris. Alleluia.
Et sicut cinnamomum, & balsamum aromatizans. Dedi.

Lec-

LECTIO V. Cap. 8.

ŷ. EC enim mirabili modo facta omnium rerum, & suum peperit Salvatorem. Quæ hæc Virgo tam sancta, ad quam venire dignaretur Spiritus Sanctus? Quæ tam speciosa, ut eam sibi Deus eligeret sponsam? Quæ tam casta, ut esse posset Virgo post partum? Hæc est Dei templum, fons ille signatus, & porta in domo Dei clausa: ad hanc namque, ut dixi, Spiritus Sanctus descendit: hæc virtus Altissimi obumbravit. Hæc est immaculata coitu, fecunda partu, virgo lactans, Angelorum, & hominum cibum nutriens. Merito namque beata singulari à nobis præconio extollitur, quæ singulare commercium mundo præbuit. Denique tantum se ad Coeli fastigia sublevavit, ut Verbum in principio apud Deum de superna Coeli arce susciperet.

Quæ est ista, quæ processit sicut Sol, & formosa tanquam Jerusalem? * Viderunt eam filia Sion, & beatam dixerunt, & Regina laudaverunt eam. Alleluia.
Et sicut dies verni circumdabant eam flores rosarum, & lilia convallium, Viderunt.

LECTIO VI. Cap. 8.

Felix Maria, & omni laude dignissima! O Virgo Deigenitrix, gloriosa! O sublimis puerpera, cujus visceribus Auclor Coeli, terraque committitur! O felicia oscula lactentis labiis impressa! Cum inter crebra indicia reptantis infantia, utpotè verus ex te Filius tibi Matri alluderet, cum verus ex Patre Dominus imperaret. Nam auclorem tuum ipsa concipiens, edidisti in tempore Redemptorem, quem habebas antè tempora Conditorum. O felix puerperum, latabile Angelis, optabile sanctis, necessarium perditis, congruum profligatis! Qui post multas assumptas carnis injurias, & ad ultimum verberatus flagris, potatus felle, affluxus patibulo, ut te veram Matrem ostenderet, verum se hominem patiendo monstravit.

Ornatam monilibus fiffillam Jerusalem Dominus concupivit, * Et videntes eam filia Sion, beatissimam prædicaverunt, dicentes: Alleluia. Unguentum effusum nomen tuum. Alleluia.

ŷ. Astitit Regina à dextris tuis in vestitu deaurato circum-

N 2

cumdata varietate. Et videntes.
Gloria Patri. Et videntes.

IN III. NOCTURNO.

LECTIO SANCTI EVANGELII SECUN-
DUM IOANNEM. Cap. 19.

LECTIO VII.

IN illo tempore: Stabant jux-
ta Crucem Jesu Mater ejus,
& soror Matris ejus Maria
Cleophae, & Maria Magdalene.
Et reliqua.

Homilia S. Joannis Chrysost.

Homilia 4. in Joann.

CHristus Crucifixus Matrem suam Discipulo commendat: erudiens nos ad ultimum usque spiritum, parentum curam habendam. Cum intempesivè ab ea appellatus est, inquit: Quid mihi, & tibi mulier? Et alibi: Quæ est Mater mea? Hic immensam charitatem ostendit, & commendat eam Discipulo, quem diligebat. Iterum nomen suum modestè subicit Joannes; nam si se jactare voluisset, quam obrem diligeretur exposuisset: credibile enim est, magnam esse, & admirandam. Qua autem gratia nihil aliud dicit Joanni, neque eum consolatur? Quod intempesivum erat: præterea non parvo eum honore his verbis afficiebat, ne-

que parvum præsentiae suae premium capiebat.

M. Felix namque es sacra Virgo Maria, & omni laude dignissima, * Quia ex te ortus est Sol justitiæ Christus Deus noster. Alleluia.

Y. Ora pro populo, interveni pro Clero, intercede pro devoto femineo sexu: sentiant omnes tuum juvamen, quicumque celebrant tuam sanctam festivitatem. Quia ex te.

LECTIO VIII.

TU autem considera, quomodo Crucifixus omnia sine aliqua perturbatione transegit. Discipulo Matrem commendavit, prophetias implevit, latroni spem bonam dedit. Atqui antequam crucifigeretur, sudavit, perturbatus est, timuit: Qui hoc sibi vult? Nihil dubii, nihil non manifestum. Illic enim naturæ imbecillitas, hic potestas demonstrata est. Præterea his nos duobus admonet, ut licet ante malis perturbemur non tamen abstinendum est, quin ea subeamus: & cum in certamen descendimus, omnia facilia, & levia putanda sunt. Nolumus ergo mortem formidare. Insitus est animæ naturaliter vendi amor: sed in nobis est, vel

vel hoc vinculum solvere, & eam minuere cupiditatem; vel ligare, & vehementiorem efficeret.

Y. Beatam me dicent omnes generationes, * Quia fecit mihi Dominus magna qui potens est. & sanctum nomen ejus. Alleluia.

Y. Et misericordia ejus à progenie in progenies timentibus eum. Quia fecit. Gloria Patri. Quia fecit.

LECTIO IX.

Stabant autem mulieres juxta Crucem: & sicut imbecillior sexus tunc fortior apparuit, ita omnia reformavit. Ipse Matrem commendans, inquit: Ecce filius tuus. O honorem, quem Discipulo tribuit! Cum enim jam obiret, Matris coram Discipulo reliquit. Nam cum par esset utpotè Matrem dolere, protectionem querere, merito dilecto commendat: cui etiam inquit: Ecce Mater tua. Hoc dixit, ut dilectione devincerentur. Quo cognito, Discipulus eam secum adduxit. Sed cur non alius cujuspiam mulieris meminit, cum adessent? Admones, quiddam amplius Matribus tribuendum. Ut enim cum spiritualia impediunt parentes, nec cognos-

cerdi quidem sunt: ita cum nihil impediunt, merito omnia his sunt tribuenda, & omnibus præferendi; quia genuerunt quod educarunt, quod innumeratas pro ipsis molestias subierunt.

Te Deum laudamus.

AD LAUDES, ET PER HORAS.

Añ. Dum esset Rex in acubitu suo, nardus mea dedit odorem suavitatis. Alleluia.

Psalm. Dominus regnavit, cum reliquis de Dominica.

Antiphona.

Læva ejus sub capite meo: & dextera illius amplexabitur me. Alleluia.

Añ. Nigra sum, sed formosa, filia Jerusalem: ideò dilexit me Rex, & introduxit me in cubiculum suum. Alleluia.

Añ. Jam hiems transiit, imber abiit, & recessit, surge amica mea, & veni. Alleluia.

Añ. Speciosa facta es, & suavis in delictis tuis, sancta Deigenitrix. Alleluia.

Capitulum. Eccles. 24. 6.

AB initio, & ante sæcula creata sum, & usque ad futurum sæculum non desinam: & in habitatione sancta coram ipso ministravi.

Hymnus. O Gloriosa Virgi-

ginum, ut in Officio parvo B. M. V.

ŷ. Diffusa est gratia in labiis tuis. Alleluia.

ꝛ. Propterea benedixit te Deus in aeternum. Alleluia.

AD BENEDICTUS.

Añã. Regina Coeli latare, ut in Vesperis.

AD TERTIAM.

Añã. Læva ejus. Capitulum Ab initio.

ꝛ. brev. Specie tua, & pulchritudine tua. Alleluia, alleluia. Specie tua.

ŷ. Intende prospere, procede, & regna. Alleluia. Gloria Patri. Specie tua.

ŷ. Adjuvavit eam Deus vultu suo. Alleluia.

ꝛ. Deus in medio ejus non commovebitur. Alleluia.

AD SEXTAM.

Añã. Nigra sum,
Capitul. Eccles. 24. b.

ET sic in Sion firmata sum, & in civitate sanctificata similiter requievi, & in Jerusalem potestas mea. Et radicavi in populo honorificato, & in parte Dei mei hereditas illius, & in plenitudine sanctorum detentio mea.

ꝛ. brev. Adjuvavit eam Deus vultu suo. * Alleluia, alleluia. Adjuvabit.

ŷ. Deus in medio ejus non commovebitur. Alleluia. Gloria Patri. Adjuvavit.

ŷ. Elegit eam Deus, & praelegit eam. Alleluia.

ꝛ. In tabernaculo suo habitare facit eam. Alleluia.

AD NONAM.

Añã. Speciosa facta es.

Capitul. Eccles. 24. b.

IN plateis sicut cinnamomum, & balsamum aromatizans odorem dedi: quasi myrrha electa dedi suavitatem odoris.

ꝛ. brev. Elegit eam Deus, & praelegit eam. * Alleluia, alleluia. Elegit.

ŷ. In tabernaculo suo habitare facit eam. Alleluia. Gloria Patri. Elegit.

ŷ. Diffusa est gratia in labiis tuis. Alleluia.

ꝛ. Propterea benedixit te Deus in aeternum. Alleluia.

In secundis Vesperis, omnia ut in primis.

Missã: Salve Sancta parens, quae habetur in Missis Votivis B. Mariæ à Pascha usque ad Pentecost. Cred. In Præf. Et te in Festivitate.

DOMINICA TERTIA

post Pascha.

In Festo Patrocinii SS. JOSEPH Confessoris.

Du.

Duplex secundæ classis.

AD VESPERAS.

Añã. Jacob autem, cum reliquis de Laudibus.

Psalmus: Dixit Dominus, cum reliquis de Dominica, & loco ultimo.

Psalm. Laudate Dominum omnes gentes.

Capitulum. Genes. 49.

Benedictiones Patris tui confortate sunt benedictionibus Patrum ejus, donec veniret desiderium collium aeternorum: Fiant in capite Joseph, & in vertice Nazareth inter fratres suos.

ꝛ. Deo gratias.

HYMNUS.

TE, Joseph, celebrent agmina Coelitem,
Te cuncti resonent Christianum Chori,

Qui clarus meritis, junctus es inclite

Casto foedere Virgini.

Almo cum tumidam germine conjugem.

Admirans, dubio tangeris anxius,

Afflatu superi flammis Angelus Conceptum puerum docet.

Tu natum Dominum stringis, ad exteras

Aegypti profugum tu sequeris plagas;

Amisum Solymis quaris, & invenis,

Miscens gaudia fletibus.

Post mortem reliquos mors pia consecrat,

Palmamque emeritos gloria suscipit;

Tu vivens, Superis par frueris Deo,

Mira sorta beatorum.

Nobis, summa Trias, parce precantibus.

Da Joseph meritis sidera scandere:

Ut tandem liceat nos tibi perpetim

Gratum promere canticum.

Amen.

ŷ. Constituit eum Dominum domus suæ. Alleluia.

ꝛ. Et principem omnis possessionis suæ. Alleluia.

AD MAGNIFICAT.

Añã. Cum esset desponsata Mater Jesu Maria Joseph, ante quam convenirent, inventa est in utero habens de Spiritu Sancto. Alleluia.

ORATIO.

DEUS, qui ineffabili providentia, Beatum Joseph Sanctissimæ Genitricis tuæ Sponsum eligere dignatus es: præsta quasumus, ut quem Protectorem veneramus in terris, intercessorem habere mereamur.

rea-

reamur in caelis. Qui vivis, & regnas, &c.

Et fit commemoratio Dominicae.

AD MATUTINUM.

INVITATORIUM.

Laudemus Deum nostrum
* In veneratione Beati Joseph
protectoris nostri. Alleluia.

Hymnus. Te Joseph celebrant agmina coelitum. *Sicut in Vesperis.*

IN I. NOCTURNO.

Añã. Angelus Domini apparuit in somnis Joseph, dicens: Surge, & accipe puerum, & matrem ejus, & fuge in Ægyptum, & esto ibi, usque dum dicam tibi. Alleluia.

Psal. primi Noct. de Communi Confess. non Pontif.

ŷ. Confitebor nomini tuo. Alleluia.

⁂. Quoniam adiutor, & protector factus es mihi. Alleluia.

De libro Genesis.

LECTIO I. Cap. 39. n. 1.

⁂ Gitur Joseph ductus est in Ægyptum, emitque cum Putiphar Eunuchus Pharaonis, Princeps exercitus, vir Ægyptius, de manu Ismaelitarum, à quibus perductus erat. Fuitque Dominus cum eo, & erat Vir in cunctis prosperè agens: habitavitque in domo domini

sui, qui optimè noverat Dominum esse cum eo, & omnia, quæ gereret, ab eo dirigi in manu illius. Invenitque Joseph gratiam coram domino suo, & ministrabat ei, à quo præpositus omnibus gubernabat creditam sibi domum, & universa, quæ ei tradita fuerant: Benedixitque Dominus domui Ægyptii propter Joseph, & multiplicavit tam in ædibus, quam in agris cunctam ejus substantiam: Nec quidquam aliud noverat, nisi panem quo vescabatur. Erat autem Joseph pulchra facie, & decorus aspectu. Tu autem &c.

⁂. Clamavit Populus ad Regem, alimenta petens. * Quibus ille respondit: Ite ad Joseph. Alleluia.

ŷ. Salus nostra in manu tua est, respice nos tantum, & latè serviemus Regi. Quibus ille.

LECTIO II. Genes. Cap. 41.

⁂ Lacuit Pharaoni consilium Joseph, & cunctis Ministris ejus: locutusque est ad eos: Num invenire poterimus talem Virum, qui Spiritu Dei plenus sit? Dixit ergò ad Joseph: Quia ostendit tibi Deus omnia, quæ locutus es, numquid sapientiorè, & consilium tui invenire potero? Tu

cris

eris super domum meam, & ad tui oris imperium cunctus populus obediet: uno tantum Regni solio te præcedam. Dixitque rursus Pharaò ad Joseph: Ecce constitui te super universam Terram Ægypti. Tulitque anulum de manu sua, & dedit eum in manu ejus: vestivitque eum stola byssina, & collo torquem auream circumposuit. Fecitque eum ascendere super currum suum secundum, clamante præcone, ut omnes coram eo genuflecterent, & præpositum esse scient universa Terra Ægypti.

Tu autem, &c. *⁂. Fecit me Deus quasi Patrem Regis, & Dominum universæ domus ejus: * Exaltavit me, ut salvos faceret multos populos. Alleluia.*

ŷ. Venite ad me, & ego dabo vobis omnia bona Ægypti, ut comedatis medullam Terræ. Exaltavi me, &c.

LECTIO III. Genes. Cap. 41.

⁂ Ixit quoque Rex ad Joseph: Ego sum Pharaò, absque tuo imperio non movebit quisquam manum, aut pedem in omni terra Ægypti. Veritque nomen ejus, & vocavit eum lingua Ægyptiaca

Salvatorem mundi. Deditque illi uxorem Aseneth filiam Putifar Sacerdotis Heliopoleos. Egressus est itaque Joseph ad terram Ægypti (triginta autem annorum erat, quando stetit in conspectu regis Pharaonis) & circumvit omnes regiones Ægypti: Venitque fertilitas septem annorum: & in manipulos redactæ segetes congregatæ sunt in horrea Ægypti. Omnis etiam frugum abundantia in singulis urbibus condita est: Tantaque fuit abundantia tritici, ut arena maris coarquaretur, & copia mensuram excederet.

Tu autem &c. *⁂. Jam letus moriar, quia vidi facièm tuam, & superstitem te relinquo. Non sum fraudatus aspectu tuo: * Insuper ostendit mihi Dominus semen tuum. Alleluia.*

ŷ. Qui pascit me ab adolescentia mea, benedicat pueris istis, & invocetur super eos nomen meum. Insuper. Gloria Patri. Insuper.

IN II. NOCTURNO.

Añã. Angelus Domini apparuit in somnis Joseph, dicens: Surge, & accipe puerum, & matrem ejus, & vade in terram Israël: defuncti sunt enim

qui

qui quærebant animam pueri.
Alleluia.

*Psalm. secundû Nocturni de
Communi Confessoris, non Pon-
tificis.*

ÿ. Respice de coelo, & vi-
de, & visita vineam istam.
Alleluia.

ÿ. Et perforce eam. Alleluia.

Sermo S. Bernardini Senensis.

Sermo 1. de S. Joseph.

LECTIO IV.

Conmuni singularium (gra-
tiam alicui rationabili
creaturæ communicarum ge-
neralis regula est; quod quan-
documque divina gratia eligit
aliquem ad aliquam gratiam
singularem, seu ad aliquem su-
blimen statum; omnia charis-
mata donat, que illi personæ
sic electæ, & ejus officio neces-
saria sunt, atque illam copiose
decorant. Quod maxime veri-
ficatum est in sancto Joseph,
putativo Patre Domini nostri
Jesu Christi, & verò Sponso
Reginæ mundi, & Dominæ
Angelorum, qui ab æterno Pa-
tre electus est fidelis Nutritius,
atque Custos principalium the-
saurorum suorum, scilicet filii
ejus, & Sponsæ suæ, quod of-
ficium fidelissime prosecutus
est. Cui propterea Dominus
ait: Serve bone, & fidelis in-

tra in gaudium Domini tui.
Dedisti mihi protectionem
salutis tuæ, & dextera tua
suscepit me: * Protector meus,
& cornu salutis meæ, & sus-
ceptor meus. Alleluia.

ÿ. Ego Protector tuus sum,
& merces tua magna nimis.
Protector.

LECTIO V. Art. 2. c. 3.

Compatres eum ad totam
Ecclesiam Christi, nonne
iste est homo electus, & spe-
cialis, per quem, & sub quo
Christus est ordinatè, & ho-
nestè introductus in mundum?
Si ergò Virgini Matri tota Ec-
clesia sancta debetrix est, quia
per eam Christum suscipere
digna facta est; sic profectò
post eam huic debet gratiam,
& reverentiam singularem. Ip-
se enim est clavis veteris Tes-
tamenti, in qua Patriarchalis,
& Prophetalis dignitas pro-
missum consequitur fructum.
Porrò hic est solus, qui corpo-
ralitèr possedit, quod eis Divi-
na dignatio repromisit. Meri-
tò igitur figuratur per illum
Patriarcham Joseph, qui po-
pulo frumenta servavit. Sed,
& hic illum præcellit, quia
non solum Ægyptis panem
corporalis vitæ, sed omnibus
electis panem de coelo, qui coe-
les-

lestem vitam tribuit, cum mul-
ta solertia enutrivit.

ÿ. Statuet filios suos sub
tegmine illius, & sub ramis
ejus morabitur, protegetur sub
tegmine illius à fervore: * Et
in gloria ejus requiescet. Allel.
ÿ. Sperate in eo omnis con-
gregatio populi, effundite cor-
ram illo corda vestra. Et in
gloria ejus.

LECTIO VI.
Profectò dubitandum non
est, quod Christus familia-
ritatem, reverentiam, atque
sublimissimam dignitatem,
quam sibi exhibuit, dum age-
ret in humanis tanquam filius
Patri suo; in Cœlis utique non
negavit, quin potius comple-
vit, & consummavit. Undè
non immeritò in verbo pro-
posito à Domino subinfertur:
Intra in gaudium Domini tui.
Undè licet gaudium æterna
beatitudinis in cor hominis
iniret; maluit tamen Dominus
ei dicere: intra in gaudium! Ut
mysticè innuatur, quod gau-
dium illud non solum in eo sit
intra, sed undique illum cir-
cumdans, & absorbens & ip-
sum velut abyssus infinita sub-
mergens. Memento igitur nos-
tri Beate Joseph, & tuæ ora-
tionis suffragio apud tuum pa-

tativum Filium intercede;
sed & Beatissimam Virginem
sponsam tuam nobis propitiom
redde, quæ Mater est ejus, qui
cum Patre, & Spiritu Sancto
vivit, & regnat per infinita sæ-
cula sæculorum. Amen.

Tu autem Domine.
ÿ. Si consistant adversum
me castra; non timebit cor
meum: * Si exurgat adversum
me praelium, in hoc ego sper-
abo. Alleluia.

ÿ. In te cantatio mea semper,
quoniam tu adjutor fortis.
Si exurgat Gloria Patri. Si
exurgat.

IN III. NOCTURNO.

Ant. Consurgens Joseph
accepit Puerum, & Matrem
ejus & venit in terram Israël
& habitavit in Civitate, quæ
vocatur Nazareth. Alleluia.

*Psalm. ut in Communi Con-
fessoris, non Pontificis.*

ÿ. Invocavi Dominum Pa-
trem Domini mei. Alleluia.

Ut non derelinquat
me in die tribulationis. Alle-
luia.

LECTIO SANCTI EVANGELII SECON-
DUM LUCAM. Cap. 3.

LECTIO VII.
IN illo tempore: Factum est
autem cum baptizaretur
omnis populus, & Jesu bapti-

zato, & orante; apertum est
caelum. Et reliqua.

Homilia Sancti Augustini

Episcopi.

Lib. 2. de Consens. Euang.

Manifestum est illud, quod
ait, ut putabatur filius
Joseph: propter illos dixisse,
qui eum ex Joseph, sicut alii
homines nascuntur, natum ar-
bitrantur. Quos autem movet,
quod alios, Progenitores Mat-
thæus enumerat, descendens à
David usque ad Joseph; alios
autem Lucas ascendens à Jo-
seph usque ad David: faciliè
est, ut advertant, duos Patres
habere potuisse Joseph; unum
à quo genitus, alterum à quo
fuerit adoptatus. Antiqua est
enim consuetudo adoptandi
etiam in illo populo Dei, ut
sibi filios facerent, quos non
ipsi genuissent. Undè intelli-
gitur Lucas Patrem Joseph,
non à quo genitus, sed à quo
fuerat adoptatus, suscepisse in
Evangelio suo, cuius progeni-
tores sursum versus commemorat,
donec exiret ad David.

Tu autem Domine.

¶ Joseph filii David, noli
timere accipere Mariam con-
jugem tuam, quod enim in ea
natum est, de Spiritu Sancto
est; pariet autem filium: * Et

vocabis nomen eius Jesum.
Alleluia. Ipse enim salvum faciet
populum suum à peccatis eo-
rum. Et vocabis.

LECTIO VIII.

CUM enim necesse sit, utro-
que Evangelista vera
narrante, & Matthæo scilicet,
& Luca, ut unus eorum ejus
generat; alter ejus, qui adop-
taverat Joseph. Quem proba-
bilis intelligimus, adoptantis
originem tenuisse, quam eum,
qui noluit Joseph genitum di-
cere ab illo cujus eum filium
esse narrabat? Matthæus autem
dicens: Abraham genuit Isaac.
Isaac genuit Jacob; atque ita
in hoc verbo, quod est, genuit
perseverans, donec in ultimo
diceret: Jacob autem genuit
Joseph; satis expressit, ad eum
Patrem se perduxisse originem
generantium, à quo Joseph
non adoptatus, sed genitus
erat. Quamquam si etiam Lu-
cas genitum diceret Joseph ab
Heli, nec sic nos hoc verbum
perturbare deberet, ut aliud
crederemus, quam ab uno
Evangelista gignentem, ab al-
tero adoptantem Patrem fuisse
memoratum. Neque enim
absurdè quisque dicitur non
car-

carne, sed charitate genuisse,
quem filium sibi adoptaverit.
At verò etiam nos, quibus de-
dit Deus potestatem filios ejus
fieri; de natura, atque subs-
tantia sua non nos genuit, si-
cut unicum Filium; sed utique
dilectione adoptavit. Tu au-
tem Domine.

¶ Surge, & accipe Pue-
rum, & Matrem ejus, & fuge
in Ægyptum: * Et esto ibi,
usque dum dicam tibi. Allel.

¶ Ut adimpleretur quod
dictum est à Domino per Pro-
phetam dicentem: Ex Ægypto
vocavi Filium meum. Et esto.
Gloria Patri. Et esto.

Nona Lætitia dicitur de Ho-
milla Dominica tertia.

AD LAUDES, ET PER HORAS.

Antiphona.

¶ Jacob autem genuit Joseph
virum Mariæ, de qua natus
est Jesus, qui vocatur Christus.
Alleluia.

Psalm. Dominus regnavit,
cum reliquis de Dominica.

¶ Añã. Missus est Angelus
Gabriel à Deo in Civitatem
Galilee, cui nomen Nazareth,
ad Virginem desponsatam vi-
ro, cui nomen erat Joseph.
Alleluia.

¶ Añã. Ascendit autem Jo-
seph à Galilea de Civitate

Nazareth in Judæam, Civita-
tem David, quæ vocatur Be-
thlehem. Alleluia.

¶ Añã. Et venerunt festinan-
tès, & invenerunt Mariam, &
Joseph, & infantem positum
in præsepio. Alleluia.

¶ Añã. Et ipse Jesus erat in-
cipiens quasi annorum trigin-
ta, ut putabatur filius Joseph.
Alleluia.

Capitulum.

Benedictiones Patris tui
confortatæ sunt benedic-
tionibus Patrum ejus, donec ve-
niret desiderium collium ater-
norum: fiant in capite Joseph,
& in vertice Nazaræi inter
fratres suos.

HYMNUS.

Cœlitum Joseph decus,
atque nostræ
Certa spes vitæ, columenque
mundi,

Quas tibi lati canimus, be-
nignus

Suscipe laudes.
Te Sator rerum statuit pu-
dica

Virginis sponsum, voluitque
Verbi

Te patrem dici, dedit & mi-
nistrum

Esse salutis.
Tu Redemptorem stabulo ja-
centem,

Quem